

作者：游舒帆 Iû su-huân

## 學閩南語真心適

閩南語 真好聽

親像 唱歌 予 人 聽

大人 囡仔 攏 愛 講

簡單 好學 那 食 餅

逐工 講，逐工 聽

文化 留 予 囡 孫 仔 遐

衫 短 褲 闊 人 鼻 直

獅 虎 豹 鱉 猴 象 鹿

懸 懸 低 低 真 美 麗

七聲八調若唱歌，愈學愈濟愈心適，孽譎仔話誠趣味，干焦臆謎猜，予逐家想甲笑哈哈，祖先仔留落來的智慧就佇遮。

若是講一 ê 人傷儉，就會講十二月天暍厝頂一凍霜。

無就是食菝仔搵鹽一鹽閣澀。

若是講人無好心，就會講六月芥菜假有心。抑是揸籃仔假燒金。

若是朋友拄著無如意的代誌會使 kah 伊鼓勵講，大

樓的電梯起起落落，戲棚趺倚久就是你的。躉的也有一項會。歡歡喜喜一工，煩煩惱惱也一工。拍斷手骨顛倒勇。乞食也有三年好運。那按呢，就有法度幫贊家己的好朋友。

講著拄遮出世的幼 ( iù ) 嬰仔的面像好，彼就是頭大面四方，肚大居財王。佢父母一定會喺笑日喺笑，講你有影是真有學問呢。

若是閩南語罵人毋那有藝術性閣袂觸纏呢？

矮人盤牆是欠梯 ( 欠打 )，十怪減一怪是九怪。講囡仔人無禮貌，囡仔人有耳無喙。大人跣起，囡仔人坐椅。

若講著愛有孝父母的俗語閣 kah 濟過溪。

親像：雙手抱孩兒，才知父母時。父母疼囡長流水，囡疼父母樹尾風。食果子拜樹頭；食米飯拜田頭。

那是序細不孝，人就會講不孝新婦三頓燒，有孝查某囡路裡搖。飼囡無分，飼父母算頓。

遮攏是我學閩南語上心適的所在，有祖先的經驗 kah 教示這是用金錢買袂著的呢？是誠重要的文化遺產 (uî-sán)。親像有一擺自然課，老師愛阮觀察月娘一

個月變化的模樣，我逐暗觀察月娘會時，阿母講一句：「初三四，月眉意，十五六月當圓，二三四月暗暝。」無彩我開一個月的時間，干焦一句話著攏總解決，省時閣利便，我馬上愛閩南語臆謎猜，予你臆，予你臆看覓咧！

無跤走千里—是魚仔。

無翼會飛是風吹。身穿烏西裝，無手有跤，出門專食紅露酒是蠓仔。

狗吠火車—無采工。雨後春筍是新竹。四季如春是恆春。風景優美是景美。十ê人九塊碗是基隆。囡仔人跋倒，媽媽 hū hū 是暖暖。雞籠山戴帽仔都連鞭欲落雨á！

閩南語是我上愛的課程，雖然真濟人講伊無真重要，毋過阮阿母講我是台灣囡仔，這是我的母語無管別人按怎講攏總免管佢，阮阿母講了誠有道理，母語就是阿母講的話，當然 kah 我上親，愈親近伊，著會發覺伊的心適 kah 智慧，無怪我會感覺閩南語真心適呢！